

health

Department:
Health
PROVINCE OF KWAZULU-NATAL

THULASIWE TBMDR HOSPITAL USUKU LWAMAGUGU ESINTU NAMHLANJE



Shono Wethu!
Sisho ngezwi intulizempi,
ushikishi uhha! Hha!x3

Nyonini? Izinyoni izinyoninyoni!!
Uhhuyi! Izinyoni izinyoninyoni!!
Inqomfi! Izinyoni izinyoninyoni!!
Igwalagwala! Izinyoni
izinyoninyoni!!



Heritage Day 2014



UMPHATHI WOHELELO



**INYOSI YAKWABUTHELEZI YANGENA NGEHUBO
IPHELEZELWA UBABA J. BUTHELEZI, ABANTWANA,
INDUNA, CLLR. SM BUTHELEZI NABASEBENZI**



ITEM 1

UHLELO LOSUKU LWALUMI KANJE

MPHATHI WOHELELO: MNU X.B. SIBISI



ITEM 3

**1. UKUVULWA KOMCIMBI NGOMKHULEKO : NKZ.
MTHETHWA**

**2. UKWAMUKELA IZIHAMBELI ZETHU: NKSZ. P.M.
MTSHALI**

**3. UKUTHULWA KWEZIHAMBELI: UMTWANA
WAKWAKLIBHI**

4. INGOMA: IZIMBALI ZASE-THULASIZWE

**5. OKHULUMELA ABAPHATHI BESIBHEDLELA: NKSZ.
K.M. HABEBE**

6. INDLAMU NOMCULO: AMAGEZA ASETHULASIZWE

7. INHLOSO YOSUKU: MNU. E.G ZULU

8. AMAHUBO: INYOSI YAKWABUTHELEZI

9. IZIBONGO ZENKOSI USHAKA KA-SENZANGAKHONA:

INYOSI YESILO B.M. MDLETSHE

10. INKONDLO: NOKWAZI NTULI

11. AMAZWI OKUBONGA

12. IZIMEMEZELO: N.P. NTULI



ITEM 5



ITEM 7



ITEM 9



ITEM 4



ITEM 6



ITEM 8



ITEM 2



ITEM 12

AKESIZWE UMLANDO WENKOSI USHAKA KA-SENZANGAKHONA

Inkosi uShaka kaSenzangakhona yazalwa ngonyaka we nkulungwane, amakhulu ayisikhombisa, amashumi ayisishiyagalombili nesikhombisa (1787), ngase-Melmoth, enyakatho yesifundazwe saKwa-Zulu Natal, yakhothama ngonyaka wenkulungwane, amakhulu ayisishiyagalombili, amashumi amabili nesishiyagalombili (1828), Kwa-Dukuza, eningizimu yalapho azalelwa khona, esofundazweni saKwa-Zulu Natal. Ubukhosi: 1816 kuya ku 1828, Uyise: Senzangakhona kaJama, Unina: Nandi, Ukuzalwa: 1787, wakhothama: Mandulo 22, 1828 (eneminyaka engu 41). Inkosi uShaka kaSenzangakhona waziwa kakhulu ngokuhlanganisa izizwe zamaNguni zase nyakatho, ikakhulukazi lezo zakwa Mthethwa nezakwa Ndwandwe, wazifaka ngaphansi kobuholi nombuso wakwa Zulu. Lokho kwakuwukuqala kwesizwe esasinamandla eningizimu yezwekazi lase Afrika phakathi kwemifula uPhongolo no Mzikhulu. Ubuholi nesibindi sakhe kwamenza waba ngomunye wabaholi besizwe sakwaZulu ababungazwa kakhulu emlandweni. Umlando umbiza ngokhaliphile kakhulu ngenxa yobuhlakani bakhe ekuthuthukiseni indlela amabutho akwaZulu ayelwangayo kodwa ubuye umgxeke kakhulu ngenxa yodlame nonya lombuso wakhe. Ubuholi bakhe busenomthelela futhi busadlala indima enkulu kakhulu endleleni yempilo eNingizimu Africa nanamuhla.

Umlando uthi inkosi uShaka wayeyindodana yenkosi uSenzangakhona kaJama nomkakhe uNandi eyatholaka ngaphandle komshado. uNandi kwakuyindodakazi kaBhebhe, owayengumholi wesizwesas'Elangeni tribe. Ngenxa yokwala kwabasebukhosi ukumamukela, wakulelela ekhaya konina. Umlando uthi wamukelwa ebuthweni lempi khona lapho. Ezinsukwini zobusha bakhe empini wayengaphansi kobuholi bomholi uDingiswayo kanye nesizwe sakwaMthethwa, nekuyisizwe ngalesosikha, isizwe sakwaZulu esasikhothama kuso. Inkosi uShaka wayeyilunga lebuthe lakwaMthethwa iminyaka ebalelwa eshumini, wazihlukanisa eningini ngokukhombisa isibindi empini, ikakhulukazi uma kuliwa ezixukwini lapho amabutho esondelene khona. Ikhono lakhe labonwa umhloli wesizwe sakwaMthethwa uDingiswayo. Umholi uDingiswayo wamthanda kakhulu uShaka emuveni kokuthola ukuthi uzalwa ebukhosini. Wamunika isikhundla sokuhola amabutho akhe. Umholi uDingiswayo wayedingisiwe ngemuva kokuzama ukuketula umbuso kayise. Ayemangingi amaqembu ezizwe kuleyo ngxenye yesizwe, kuwo kubalwa abakwaMabhudu, abakwaDlamini, abakwaMkhize, abakwaQwabe, kanye nabakwaNdwandwe. Kanye nalawomaqembu, uDingiswayo wasiza ekukhuliseni amacebo empi kanye nezinhlango zikaqeda isizungu. Umlando uthi kusolakala sengathi babephendula incindezi nokugqilazwa kwabantu eningizimu yeMozambique.

Ngesikhathi inkosi uSenzangakhona, uyise kaShaka ekhothama, uSigujana, umfowabo ka Shaka omncane wagcotshwa njengenkosi yesizwe samaZulu, ubukhosi bukaSigujana abufikanga ndawo, umlando uthi inkosi uShaka, ngosizo luka Dingiswayo nomfowabo uNgwidi babopha uzungu lokubulala uSigujana. Kwaba ukuqala kombuso wenkosi uShaka, nakuba eseyinkosi, waqhubeka nokuyamela kumholi wesizwe sakwaMthethwa uDingiswayo. Inkosi uShaka yayinakho ukuvumela abahambi baseNtshonalanga abangondlebe zikhanya ilanga ukuba bangene ezweni lakwaZulu. U-Henry Francis Fynn walapha inkosi ngemuva kokuba ihlaselwe ilunga lebuthe ababelwa nalo elalicashe ngezixuku. Ukumbonga, uShaka wavumela abasentshonalanga ukuthi bangene futhi benze izinto zabo ngaphakathi kobukhosi bakwaZulu. permitted European settlers to enter and operate in the Zulu kingdom. Lokhu kwavulela amaNgisi ithuba lokudala izinxushunxushu embusweni wakwaZulu. Nakuba inkosi uShaka yayibukela ubuchwepheshe nezindlela amangisi ayezithuthukisa ngayo wagcizelela ukuthi izindlela zakwaZulu zazingaphezulu kwalezo ezezihambi.

Ngosizo lukaDingiswayo, inkosi uShaka yalola ibutho layo, yakhanda ubuhlobo nezizwe ezinyana ukulwisana nobungozi obabuvela esizweni sakwaNdwandwe enyakatho. Iminyakazo yokuqala yayiyileyo yokuzivikela. Ngemuva kokukhothama kukaDingiswayo, ebulewe nguZwide wesizwe samaNdwandwe, inkosi uShaka yafuna ukuphindisela. Nakuba umlando ungacacisi kahle, uthi ngelinye ilanga uZwide waphunyula ngembobo yenaliti, kulesosigameko unina kaZwide, uNtombazi owayeyisango wabulawa yinkosi. Umlando uthi inkosi yakhetha indlela enesihluku kakhulu ukumbulala, yamvalela endlini no Jakalase ne Zimpisi, zamudla ephila, ekuseni wayishisa leyondlu. Nangemuva kwalesosigameko, inkosi yaqhubeka nokumzingela uZwide. Ngemuva kweminyaka inkosi noZwide bahlangana okokugcina ngasemfuleni uPhongolo. Nakuba inkosi yamqoba uZwide, kwalahleka izimpilo eziningi kuleyempi, kulabo kubalwa nomholi webutho lenkosi Umgobhozi Ovela Entabeni. Ngalesikhathi inkosi yayisiphikelela eNingizimu ngaphesheya komfula uThukela, yilapho asungula khona inhlokodolobha eyayibizwa ngokuthi eBulawayo emazweni akwaQwabe, akaphindanga waphindela KwaZulu.

Ngesikhathi inkosi iqhubeka nokuhlomula inhlonipho yesizwe kwaba lula kakhulu ukuthi isabalalise amacebo ayo. Ngenxa yemvelaphi yakhe njengebuthe, inkosi yafundisa isizwe sakwaZulu ukuthi indlela esebenzayo kahle uma ufuna amandla ukunqoba nokulawula ezinye izizwe. Izimfundiso zakhe zabanomthelela omkhulu endleleni isizwe sakwaZulu esasiphila ngayo, lokho kwaba usizo olukhulu kuShaka. Umbuso wenkosi uShaka wawulele kakhulu emandleni amabutho akhe. Wayewasekela amandla amabutho akhe ngokunxusa nokwakha ubuhlobo nabanye abaholi. Kulabobaholi kubalwa uZihlandlo wakwaMkhize, uJobe wakwaSithole, noMathubane owakwaThuli. Ubuhlobo benkosi nalabaholi babuvela ngezindlela zokunxusa. AbakwaQwabe bazama ukukhanda umkhondo okhamba ukuthi babehlobene namaZulu, ngaleyondlela badale ukuthula nokuzwana, leyomizamo ayiphumelelanga, impi yalandela. Umlando uthi kubukeka sengathi abafowabo benkosi uDingane kanye noMhlangana basebezame kabili ukubulala inkosi ngaphambi kokuba baphumelele. Izinsolo ezithi amaNgisi adlala indima etulweni lokubulala inkosi azipondakali izinsolo kwazise phela nakuba ayimubonanga njengomuntu ongaba yingqozi embusweni wabo kusasa, kwakunokuthula okwanele phakathi kwabo nenkosi, ngaphambi kokuba inkosi ikhothame yavumela amaNgisi ukuthi asebenze ngokukhululeka endaweni eseyaziwa ngokuthi yiTheku nanamuhla.

Ukukhothama

Inkosi wahlaselwa ababulali abathathu ngosuku lwamashumi amabili nambili (22), ngenyanga kaMandulo, ngonyaka wenkulungwane, amakhulu ayisishiyagalombili, amashumi amabili nesishiyagalombili.

Ngalelolanga cishe onke amabutho ayethunyelwe enyakatho ukuyohlasela. Lokhu kwabangela ukuthi isigodlo senkosi sisale singagadiwe ngokwanele. Leli kwakuyithuba abafowabo benkosi kanye nenduna uMbopha ukuhlasela inkosi. U-Mbopha wadukisa umkhondo evulela uDingane kanye no Mhlangana ithuba lokuthi ngagwaze amanxeba athatha inkosi. Umlando uthi bawuthatha umzimba wenkosi bayowungwaba lapho kungazi muntu khona. Itshe lesikhumbuzo senkosi lagxunyekwa labesola sengathi umzimba wenkosi wahlihlwa khona, KwaDukuza, enyakatho yeTheku, KwaZulu Natal.

Isihlalo Sobukhosi

Umfowabo wenkosi uDingane wathatha isihlalo sobukhosi, waqala uhambo lwakhe lokuqotha bonke ababeyizithenjwa zenkosi uShaka, nokuwuhambo olwathatha iminyakana.

Ifa

Isikhumulo sezindiza esaziwa ngokuthi i-King Shaka International Airport e-La Mercy, 3enyakatho yedolobha lase Thekwini yavula ngosuku lokuqala enyange ka Nhlabane ngonyaka wezinkulungwane ezimbili neshumi (2010) lapho kwakwenziwa khona amalungiselelo endebe yomhlaba yebhola likanobhutshuzwayo.

Isikhumulo sezindiza sethiwa leligama lenkosi emveni kwenkulumo mpikiswano eyathatha iminyaka ebaelwa kwemibili. Akugcini lapho, ngonyaka wezinkulungwane ezimbili nane (2004) indawo kaqeda isizungu ebizwa ngokuthi uShaka Marine World yavula enkabeni yedolobha eThekwini.



IZIBONGO ZENKOSI USHAKA KA-SENZANGAKHONA



Izibongo zeNkosi uShaka kaSenzangakhona zathulwa ngubaba Inyosi yeSilo B.M. Mdletshe



DOUBLE CLICK LEFT BUTTON TO HEAR IZIBONGO ZENKOSI USHAKA



uBaba James Buthelezi, Inyosi yeSilo BM Mdletshe kanye neNyosi yakwaButhelezi, P.E. Buthelezi



Ubaba Inyosi YakwaButhelezi ihubo amahubo esintu kanti uma ufuna ukuzwa kabanzi ngezinto zesintu ungalalelali uKhozi Fm njalo ngesonto ekuseni ngehora lesi-5 uhlelo Izwi Labantu, lapho efundisa khona ngesintu sakithi kwaZulu





eThulasizwe asimzum' umuntu, asimzum' umuntu
simqonda ngqo! X3 Thina kwaZulu asimzum' umuntu,
asimzum' umuntu! Simqonda ngqo! X3



Bezihlobe ziznhle kanje izimbali
zaseThulasizwe, sale usugez' amehlo nsizwa
vele uyaqala ukubona intomb' ezinhle kanje



Bekukuhle
kudeliwe sigubha
usuku lwamagugu
sihlobile insizwa
zihaya ingoma ethi
"lentaba le uCeza
sigubha khona
umgodi", omama
belilizela intombi
zihaya ishindindi.
Weeee! Angithule
ngoba kothiwa
sengithe kanti vele
sengishilo



Lensizwa iyizwa kahle lengoma ize
yabamba induku ngathi Microphone



Cupha! Cupha! Cupha!
Ukube khon' umama!
ngab' uyalilizela!
Uyalilizela Hhai! Hhai! Uyalilizela!





Umlando wezinkomo zakwaZulu! Hhayiboni x2
Hhayibon' inyamazane



Besikhomba phezulu, sikhombe ngapha nangapha sikhombe phansi sihuba amahubo, sihay' ingoma, kusuk' usinga kulilizele omama sishindiza, siyibhikla! ingoma

Siyesadlezikude
Siyoshis' amnkengane
Baleka wensizwa
Hheee! Hhee!
Baleka wensizwa
Athi Awu! Awu! Awu!
Baleka wensizwa



Awubheke ishaywa kanjani ingoma kwaCeza, sizokuncamisa

Heritage Day 2014

Ndabezitha! Mageba!

Lilili!! Lilili!!
Uyothi wabonani

Hhayi Weshindindi hheshe! X2
Shindindi hheshe!
Bebeth' umcimbi awukho lana!
Abeze bazobona senzani,
Shindindi hheshe!



Izicukuthwane zethu ezivela emphakathini wakwaCeza, Abantwana, izinduna, Khansela SM Buthelezi



Abasebenzi bakwa Old Mutual nabo bebhkhona, bezosinikezo uxhaso banika abasebenzi izikimba



Bezibukeka kanje izihambeli zethu

Phakathi kwezihambeli zethu bekungu Khansela M.S Buthelezi, Inyosi yakwaButhelezi, Inyosi yeSilo, Abantwana baseGazini, uMtwana wakwaKlibhi, izinduna zendawo kanye nomphakathi



Ukudla kwesizulu nakho bekuconsisa amathe kanti futhi kunempilo, phela ukudla okuphuma emhlabathini kungafakwanga zinto zaningi kwakha umzimba kukunike umsoco namandla.



Nksz. N. Ndwandwe
"Zethu"



uMtwana.
S'miso Zulu

Gabi! Gabi!
Mmmnandilicious



Inkukhu yesiZulu nojeqe nenqeke. Mmm!! wavele walamba usuze wakhamisa ngeke ukuthole



Ungabheki uyahala! Usuyoze ucons' amathe besik'khombisa nje ukuthi bekubukeka kanjani



Uma ingekho immfino kusuke kungaphele ukudla kwesintu, phika phela



Phak' inyama ndoda wakhipha ngaqatha linye nje ibandla lingaka wenzani udlala kancane ingom' ishehsha



Sithini isiZulu ngentombi nensizwa

Gege! La! Gege! ntombi ziyamgegela! Ubani ongaqom' inyamazane sikhona!

Ngithe ngilala embedeni, umbhede wangibhedela, ngathi ngilala ecansini, icansi langicasula, ngathi ngilala esikhumbeni isikhumba sangikhumbuza wena mtanomnumzane., isingehlule imicabango Uyangikhipha noma uyangifaka ntombi?

Isifikile insizwa izozibika kuphele amazwi entombini ngoba phela mayithi ngiyak'khipha kwakubonakala ngensizwa isigiya ithi izibongela ithi uyayikhipha osizini kanti futhi mawuthi ngiyakufaka yayophinde igiye izibongele ithi uyangifaka enhlizweni yakho. Ewu bese ixakeka nje ukuthi ithini

Intombi yayigcina isiqomile noma isiyivumile insizwa ngaleyondlela, bese ikhanda ucu, kumiswe iduku baphane nezipho kuqalwe indaba yokwakha ubuhlobo emindenini emibili bengakahlangani insizwa nentombi ngokwasendlini, uma befuna ukubonana bephelezwe iqhikiza ukuze bengatholi ithuba lokuthinta izitsha ezifayo

Kuyothi makufika lesosikhathi esifanele kwakudingeka ukuthi insizwa ibe inamandla ngoba phela intombi yayizokuzwa amandla anduba uyinqobe nogijimisana elawini kuyoze kuse, hhayi ngoba sekwanikwana udede kwaze kwaze kwaqanjwa nengoma ethi koze kuse kuyolamula ukuphuma kwelanga.



Hhiya ke mzakwethu kaNdaba sekufike lapho indaba zethu ziphela khona siyophinde sihlangele futhi ngomcimbi wethu olandelayo kanti ungabheka nezindaba ezinhle zesibhedlela engizikhipha njalo ngekwata. Ngizothanda ukudlulisa okukhulu okubonga kubaphathi besibhedlela ngokusivumela senze lomcimbi, ngibonge uNokwazi Ntuli (FIO) ngokubambisana ukuthi sihlele umcimbi omkhulu nomuhle kangaka, abasebenzi abakhiphe emaphakatheni wabo ukuze umcimbi ube impumelelo baphinde banikela ngamathanga nangezinkobe, nangobhatata, umamaMwandla nethimba ebelisilekelelana nalo sipheka, Izicukuthwane zethu: Inyosi yeSilo, Inyosi yakwaButhelezi, ubaba James Buthelezi, Khansela Buthelezi, uMntwana wakwaKlibhi, izinduna kanye nomphakathi.

Ngibonga kakhulu kubaxhasi bethu esibe nabo kulonyaka uMnu. Linda Mpanza wakwaCeza Tearoom kanye noDokotela Simelane oPhongolo Surgery. Sibusisiwe isandla esiphayo kenesamukelayo, iNkosi inibusise. Ngiyabonga Yenziwe nguNksz. PM Mtshali uMxhumanisi (Ibamba) ifoni: 035 832 6000 umakhala ekhukhwini: 082 3999 543 isikhahlamezi: 035 832 0061 imeyili: present.mtshali@kznhealth.gov.za. Ngiyathokoza!

